

續修正安州志

光緒三年刊

正安州志

續修正安州志

公署藏板

續修正安州志序

邑之有志猶國之有史史以昭善惡寓勸懲志則獨  
詳於善弗及於惡不能無同異焉然修志之難更難  
於修史一代之史必先有一代之實錄志非有實錄  
可按也道里之遠近山川之形勝今不異於古所云  
卽以前賢論如尹公徐公彰彰耳目者婦孺咸知無  
今古也亦無煩累千萬言惟風俗之盛衰人心之厚  
薄以及忠孝廉節之隨時隨地而生者事猶待於表  
揚名不傳於里黨自非博覽多聞留心當世者爲之

續修正安州志

卷之一

州志序

一

代白其隱曲諒其情其不湮沒泯滅也幾何矣不特  
此也人情無不好名平日蕩檢踰閑曾不思自居何  
等迨地方有事於志凡有財力與勢者無不百計夤  
緣盜名欺世採訪者旣非一端秉筆者實繁有徒議  
論囂張是非倒置甚至樹私植黨賄賂公行彼則曰  
吾鄉有某某者忠厚傳家我亦曰吾鄉有某某者孝  
思維則彼又曰論廉讓無過吾鄉某我亦曰論節操  
無過吾鄉某羣蛙迭噪吠犬爭鳴卽有一二老成出  
而爭執而一人之力又不足以敵衆口以致濫廁其

間者半皆不忠不孝不廉不節之徒而所謂忠孝廉節實有其人其事者或反因財力之盡時勢之窮而不得與於斯以是爲志欲其厚風俗正人心也得乎閱正邑新志諸弊盡鋤

揆厥由來則皆

州主彭公一人終始條理公長沙名世黔省循良以國史之宏才成州志之小品而又牧斯土多歷年所見聞周窮鄉僻壤品評恥附和隨聲其採取似寬而覈實循名雖近寬而仍隘其體裁兼備而屬辭比事

續修正安州志

卷之一

州志序

二

不責備而求全不以疑似參不以真僞亂不以寒微薄世族不以阿諛徇人情凡有關於風俗人心者無鉅細無顯晦未嘗有一人一事之或遺若網在綱有條不紊稟經酌雅衆美咸賅是真能發潛德之幽光昭定論於千載異日風俗之隆人心之茂當更有蒸蒸日上者則斯志之裨益匪淺鮮也而我州主彭公之以斯志裨益於珍州也又豈言思擬議所能罄哉後有作者必將永鑑於斯編

光緒三年丁丑歲仲秋月既望珍州劉福田謹序

續修正安州志序

正安舊無志自南豐趙君因袁氏舊說以成書寶應朱君嗣增益之紀載畧備矣咸豐戊午後地方多故世事滄桑舊典新聞久歸剝落君子愀然有無徵之感焉觀察彭公以名儒來牧斯土寬猛兼濟政通人和明年乙亥春黔纂修通志檄郡縣以六月爲限修志上呈以資采輯時值婺匪竄境戎馬倉皇公請於大府得展限月餘後鄒酋授首整旅歸來遂開局延紳分類授簡摭殘編於灰燼訪軼說於遺民惟覈

續修正安州志

卷之一

州志序

三

惟詳旣戒旣備如限繕本呈局獲蒙優獎適余奉委在茲得以悉其顛末越明年籌貲付剞劂命余弁題數言余受而讀之竊嘆此書之作公之以憲章垂久遠者公實以治理詔來茲夫考古以證今觀民以設教已然者未然之鑒前事者後事之師故李吉甫作元和郡國志謂持此可善治焉儒者得所藉手兢業講求恆思有以報最驟而問以天時之變遷地利之險易人事之推移物產風俗之有隆殺厚薄建修政事之有沿革異同與夫名宦先後之教說鄉賢

流寓之文章或至茫然無以爲應則所謂秦越而肥瘠者其又何說以解免今舉夫有關政教者垂之簡端俾後之同志君子一開卷而羅羅如數掌上紋於是乎孰興孰廢孰弛疇得疇失疇緩疇急胥取資而有餘此則治理之龜鑑而公倦倦是志之心也若將以物色山川表章圖籍助遊人之賞眺備才士之謳唵則又斯志之末義矣

光緒三年丁丑仲冬穀旦姑蘇陸茂椿蘭臺氏謹序

續修正安州志

卷之一

州志序

四

續修正安州志由

光緒元年三月初二日奉

貴州通省善後總局

頭品頂戴布政使司現任巡撫部院黎

頭品頂戴按察使司現任布政使司林

布政使銜糧儲道現署按察使司 吳

布政使銜候補道 陳

總辦書局布政使銜現署貴東分巡兵備道易 爲

札飭事照得徵文考獻問俗觀風實政治之先

續修正安州志

卷之一

州志序

一

務黔省通志自乾隆六年辛酉增修至今百有三十餘年世代寥遠既懼無徵且咸豐以來兵亂垂二十載一切典章舊籍所存無多天時之變遷建置之沿革政教之轉移民物之聚散與夫名宦良將之勲績耆舊儒林之言行以及忠孝節義選舉藝文之衆若不再加搜輯勢將愈

卽廢泯本道司現已

會稟

撫憲曾

奏明開局在案爲此札飭各屬所有府廳州縣皆須設局延紳採訪每局紳士幾人酌備薪水蓋功程既鉅經費維艱守土者責重地方紳士等事關桑梓諒必踴躍從公以襄盛舉而省虛糜其應采事宜備列於後依類采輯以六個月爲限限內彙上者記大功一次逾限者記大過一次事在必行該地方官等勿得任意宕延閣置爲不急之務致干咎戾亦不得潦草塞責錯訛乖謬考核難憑所采自乾隆六年辛酉起其

地方先有舊志及嘉慶道光以來續有增修者概將其書呈局其成志以後事實仍須按年照采亦以六個月爲限或志雖修而經亂無存亦卽稟聞在省搜訪儻難尋覓其採訪仍自乾隆六年起其有地方力能修志者或能於所限六個月內成書卽繕寫全書呈局如限內不能成書仍先將採訪事畧呈局凡地方文武紳耆等務須黽勉同心勤勩采輯本局濡筆以待期文獻之有徵庶方乘之垂久實有厚望焉切切特札

旋又奉到  
各憲札飭茲據都勻府羅守詳據獨山州李牧  
稟稱設局開辦采訪薪水一層是否由局請領  
抑或就地籌措等語自應分別明晰惟地方兵  
燹之後籌措雖少亦恐擾民而省局經費艱難  
其應用薪水亦當共體時艱毋求豐腆前檄既  
以六個月爲限薪水亦以六個月爲率每月無  
論人數准總開報銀叁拾兩概不准指派民間  
致滋擾累各等因奉此查正安自乾隆三十八

續修正安州志

卷之一

州志序

三

年州牧袁治勅修成志後經趙牧補修朱牧重  
修彙分四卷逮同治乙丑燬於兵板籍俱灰獻  
典均無可考焯於甲戌六月履任卽搜羅舊志  
僅得殘編茫無倫次越明年春奉札飭續修適  
值婺匪鄒酋滋擾州東南界募練親剿督團堵  
禦稽延匝月始克言旋爰具展限稟言仰沐  
憲恩俯允遵於麥秋上浣之十日開局傳集孝  
廉呂啟埏廣文徐以敷陳開籍周南諸紳再四  
熟籌刊發條例札飭各甲紳耆就近采訪以期

迅速以免漏遺聘請訓導楊德明州判嚴宗六  
秉筆成書幸得各紳昕夕從公已於限內告竣  
繕寫十卷上呈時因乏款刊刻將采輯原本彙  
存州局延擱久之竊思事有善舉不得善成未  
免前功盡棄爰設法籌畫工貲至今春始付剞  
劂紀一州之實蹟卽以副

上憲之深心志乘有成因記其遵辦如是

光緒三年歲在丁丑孟秋月上浣之十日

欽加道銜花翎候補府儘先補用直隸州借補正安州知州彭焯謹誌

續修正安州志


卷之一

州志序

四




五








公署原圖

借署雖  
伏大致  
觀城  
後堂  
道棟楠  
德毀垣  
埔館舍  
倉殿僅







九

古鳳儀碑

州治

後山形

如龜

鳳自由

來儀于



樂景

源圖

評

景

子言徐以敷繪

時年七十有六


+








天籟共鳴登斯舉也  
 洵乎入蓮壺  
 羣山  
 皆俗  
 呂堯封




大魚明潭  
 州治東出十  
 餘里石溪  
 步曰孟通  
 放生塘也  
 因名大魚  
 山青水碧  
 如翠屏之擁



壯境錦絳  
 之遠浴盤半  
 岩間瓊石潭  
 澄碧四芳子句  
 似如仙筆不能

懋昭



平田土鼓  
 州治西郭平田  
 間有土墩形如  
 鼓高六七尺  
 寬二三尋丹  
 桂一株為休  
 息所遊覽者




履點蒼苔  
蓬然華音奏  
響矣

子誠



師共  
珠  
洲  
井  
鳳  
出  
飄  
珠  
山





秀氣  
瓊巖

古像

群  
群  
群  
群  
群



半日燈池

在妙法內傳奉夕

之半一池深碧

如架上懸燈

涌法泉以為

膏映似了

而作焰

之月

群  
群  
群



續修正安州志姓氏

主修

欽加道銜花翎候補府特授正安州知州彭焯閭穀

監修

五品銜貴州候補知縣陸茂椿蘭臺

正安州學正王炳南文軒

吏目張錦屏麗峰

纂修

儘先選用訓導楊德明懋昭

續修正安州志 卷之一 十九

六品藍翎卽選州判嚴宗六子誠

協修

儘先選用知縣呂啟埏堯封

候選府經縣丞徐以敷子言

候選選訓導陳開籍古漁

國子監學正銜註冊儘先前選署龍泉縣訓導周南肇風

檢校

湖南善化縣學廩生彭瑞杰倬筠

遵義縣屬癸酉科舉人李樹義路尊

采訪

知州補曹光斗  
知州選胡先海  
貢拔宋鉞

知州馮輔元  
府經雷震聲  
府駱遠清

四川候補馮輔元  
縣丞賈為春  
蕭九成  
訓導張善長

訓導馮慶霞  
訓導江其澍  
恩貢楊成修

歲貢雷燉  
廩生鄭揚廷  
廩生王傑

廩生簡培  
廩生王文昭  
廩生張鉞

廩生潘花培  
廩生張天球  
廩生駱見田

廩生向學清  
廩生馮瓊珍  
廩生曾汝珍

續修正安州志

卷之一 采訪

二十

廩生秦德澤  
廩生韋家鈺  
廩生李瓊英

廩生楊綱  
廩生曾翼孔  
廩生田映輝

廩生趙簡書  
廩生馮思文  
廩生鄭長安

廩生隆憲章  
廩生馮正清  
廩生馮正倫

武舉戴天錫  
都司袁步雲  
六品頂戴孟易周

六品頂戴江廷芝  
監生曹宗壽  
監生劉昌沛

監生黃來柱  
從九周蘭芳  
武生馬步青

武生周瑞廷  
從九韓翠亭  
從九周毓棟

禮科吳永錫  
藍子潤

書錄

湛世興

繪圖候選府經縣丞 徐以敷

續修正安州志

卷之一 采訪

一一一

正安州志目錄

天文志卷壹

星野占驗

氣候祥異

地理志卷上貳

輿圖疆域

建置城垣

公署壇廟

井源十六景

續修正安州志

卷之一

州志目錄

一一一

郵傳關津

前賢廬墓

地理志下卷參

寺觀場市

山川形勝

古蹟道路

橋梁

職官志卷肆

秩官兵防

名宦附祠祀 師 旅

正安州軍務客 師

食貨志卷伍

物 產 倉 儲

鹽 務 田 賦

稅 課 經 費

戶 口

風教志卷陸

學 校 書 院

續修正安州志

卷之一 目錄

一三三

膏 火 田 業 義 塾

賓 典 德 教

選舉志

科 甲 五 貢

仕 宦 世 職

武 科 軍 功

人物志上卷柒

封 典 鄉 賢

孝 烈 士 烈 士

烈婦 孝烈婦

烈女 昭忠

友義 隱逸

人物志下卷捌

孝子 孝婦

節孝 賢婦

篤行 異能

耆壽 仙釋

土司 義僕

續脩正安州志

卷之一 目錄

藝文志上卷玖

奏疏 傳

遊記 課示

觀風 教說

序跋

藝文志下卷拾

碑文 墓誌

詩什

纂修舊志姓氏

正安州知州

趙宜霖

正安州學正

游玉堂

署學正

張濟廣

訓導

曹琰

吏目

朱元暉

把總

蕭必貴

杭州府學生員

陶有容

正安州拔貢

冉玠

拔貢

王玉瑚

續修正安州志

卷之一 纂修舊志

二五

國子監學正

鄭文遇

州學生員

牟輝榮

生員

呂維藩

禮書

吳正龍

禮書

周德裕

凡例

一州境明末時被馬姚二逆蹂躪人類幾絕獻典不存故明以前事實缺紀

一正安州志自乾隆三十八年州牧袁治創修成書越嘉慶二十三年州牧趙宜霖補修分四卷至咸豐八年州牧朱百谷重修仍四卷皆燬於賊鉛槧不存今奉

憲示續修因舊志遺本廣加採訪增成拾卷  
一舊志有目無綱事多雜亂今續修新志遵

續修正安州志

卷之一 凡例

二六

憲示條例以天文地理職官食貨風教選舉人物藝文八條爲綱以舊志目錄分彙條下爲目舊目五十三新增爲七十九

一新志雖因舊志削浮詞昭其實也補遺漏詳其真也

一新志採訪必慎恐其濫及有善必書懼其失遺  
一新志署圖仍舊不廢前藏儲積改書削去畫餅  
一新志人物前後不定因採訪冊未題昭代甲子  
一新志歲貢冊燬於賊咸豐十年以前次序無考

一新志軍功議叙書其名示鼓勵也

一新志耆壽紀年下或無存歿字樣因采訪冊原無二字不敢妄加

一新志正安軍務同治四年以前卷燬於賊不可稽考六因從戎事皆身歷按實紀錄無一浮文一舊志名宦江彥清守珍州拒元兵死宋難書爲元人殊失褒貶大義今以宋代繫之

恭錄光緒元年奉

貴州巡撫部院黎前於藩司任內刊發

上諭一道並札示

頭品頂戴布政使司黎爲札發遵照事照得

黔省自軍興以來各府廳州縣城垣衙署被燬  
從前檄發書籍

上諭蕩然無存現值通省肅清各屬城署業已次第  
修復本司因查藩署大堂懸掛道光十二年閏  
九月二十四日奉通頒

續修正安州志

卷之一 凡例

二八

上諭一道所稱各條切中時弊凡有牧民之責者自  
當朝夕省覽敬謹恪遵本司於上年十二月內  
親爲恭錄捐廉刊刷札發下州仰該州照式備  
具堅實木匾粘貼懸諸大堂以垂久遠等因遵  
奉在案奉到頒發刊刷

上諭一道

道光十二年閏九月二十四奉

上諭朕恭閱雍正六年六月十七日

皇曾祖世宗憲皇帝實錄內載

諭內閣爲政之道以愛民爲本愛民者必須厚民之  
生雨暘時若百穀順成始可登蒼生於衽席感  
召

天和必由於民情之舒暢而民情舒暢必由於吏治  
之克修從來言吏治者不外興利除弊二大端  
夫利之所在小民自必趨事赴功不待督率而  
爲者爲上者不過相導之而已至於除弊則小  
民所不能爲之事而專賴爲上之人時刻留心  
體察破積習以厚民風者也蓋地方之害莫大

於貪官蠹役之朘削強紳劣衿之欺凌地棍土  
豪之暴橫巨盜積賊之劫奪此等人不能化導  
懲戒則百姓不獲安生假若爲大吏有司者圖  
寬大之名沽安靜之譽於貪官蠹役則庇護之  
於強紳劣衿則寬假之於地棍土豪則姑容之  
於巨盜積賊則疏縱之雖在已無殘害百姓之  
實跡而留此害人之人令百姓暗中受其荼毒  
無可控訴古人云養稂莠者害禾稼惠姦宄者  
賊良民如此則民氣何由而舒

天和何由而致乎

天以救民之任授之君臣而百姓又復敬謹尊奉胼手胝足竭力輸將以事其上爲君臣者當共思之受

天之恩奉

天之命食民之食衣民之衣而乃怠忽優游不能鋤  
姦禁暴置民間疾苦於度外上負

穹蒼下負百姓誠天地間之大罪人矣豈但天理有所不容卽清夜捫心當如何愧忤有牧民之責

續修正安州志

卷之一 凡例

三十

者各宜撫躬自問時加警省慎之勉之欽此  
聖訓煌煌至爲真切凡有牧民之責者尤宜敬謹遵  
循實力奉行思所以舒民氣而召

天和著自督撫以至州縣各衙門俱恭錄一道懸諸  
大堂庶可觸目警心隨時懍省倘於四者之中  
偶犯其一朕言出法隨必從嚴懲辦不稍姑容  
以期稂莠盡去嘉禾遂生民氣安恬

天心順應共臻郅治朕實有厚望焉將此通諭知之  
欽此

頭品頂戴貴州布政使臣黎培敬恭錄

恭錄光緒二年續奉刊發

上諭一道並頒發藩憲牌

頭品頂戴貴州巡撫部院黎 爲頒發遵照

事照得本部院檢查

御書樓書籍伏讀

高宗純皇帝上諭一道諄諭侵吞各案法不容寬原  
望各官共知畏慎潔己奉公免蹈刑章之意

聖諭殷殷垂戒至深遠也黔省軍興有年甫經平靖

續修正安州志

卷之一 凡例

三十一

地方之凋敝庫藏之空虛甲於天下全賴經徵  
錢糧稅課以及抽收釐金舉辦捐務藉資接濟  
是以謹遵

諭旨恭刊頒發務期共矢精白宏濟時艱於各項徵  
收款司核實報解毋蹈侵吞是所厚望

計恭頒刊刷

上諭一道

乾隆十四年十月二十九日

上諭朕於侵貪各案諄諄垂戒前後所降諭旨不啻三令五申此次勾到辦理侵貪各案有督撫輕擬經九卿改入情實者有九卿混入緩決經朕指示情節改入情實者所有二年限滿之犯完數如例者業經分別原減其逾限未完營私入已確然有憑者予勾正法誠以律不容弛法當

續修正安州志

卷之一 凡例

三三

共守與其失之寬而犯之者眾不如顯然示以無所假借俾知所戒而不至更蹈覆轍所全者實多也朕前降旨令刑部於秋朝審時將各省官犯彙冊得以詳悉推勘以昭慎重之意此雖不僅指侵貪而官犯內惟侵貪者常多以理論之潔己奉公人臣之職分應爾倉庫錢糧莫非小民脂膏上以供軍國經費人君且不得私有而乃漫無顧忌如取如攜婪正供而入私橐是閭里之輸將徒爲若輩填谿壑也夫取非

其有者謂之盜況取國家之所有乎貪人之財猶謂之盜而況其貪國家之財乎此其情尙可恕乎乃向來錮習以爲甯盜毋貪此在爲上者愛民之深權其輕重謂與其厲民毋甯損上以是重言人臣之不可貪耳而豈忍以盜待臣子哉爲臣子者又豈甘以盜自處哉人徒知漁利於民者貪也蠹蝕於官者侵也援律傅罪輕重判然不知貪者固有害於下而侵者實無所畏于上以無畏之心而濟之以無窮之慾則派累

以肥橐者有之因事而勒索者有之甚至枉法而受贓者有之朝廷之府庫且所不顧更何民瘼之可矜何民膏之足惜此侵則必貪勢使然也此等劣員多留一日則民多受一日之殘國多受一日之蠹旣已劣蹟貶露尙可因循姑息繫之囹圄獲全首領下愚不肖之輩其何所警惕而絕其行險徼倖之心又安知其不轉以身被刑辟之虛名而子孫享富厚之實惠且自謂得計耶是斧鑕一日未加則侵貪一日不止惟

一犯侵貪卽入情實且卽與勾決人人共知法在必行無可倖免身家旣破子孫莫保則饕餮之私必能自禁何至甘心扞網冒法此狂瀾之必不可不迴而膏肓之必不可不救旋轉之機端在於此用是再頒諭旨詳悉開導俾共知潔已奉公之大義凜服官典守之大防杜絕侵漁終遠刑辟爲良有司國家實嘉賴焉如其不知畏慎不如悛改則三尺具在斷在必行前鑒昭然慎勿視爲具文也此諭着刊刻頒發令內外

正安州志

卷之一 凡例

三四

文職衙門入於交盤冊內永遠傳示各宜懍遵  
欽此

頭品頂戴貴州巡撫臣黎培敬恭刊

天文志

行健惟天易以自疆勉君子土圭揆日詩因作  
室測天文昏中旦中禮傳觀星之候出日納日  
書重授民之時書彗見書日月食春秋之警天  
變也周禮保章氏以五雲物辨吉凶水旱之禋  
祥四國同火傳有占災之文五星聚奎史有占

祥之記天文上驗自古皆然以云氣候南北不同因日晷之升降有異也正安黔蜀接壤星野在參井間天文志當詳也

### 星野

昔者禹使大章步自東極至於西極使豎亥步自北極至於南極以定九州分野周禮保章氏以星土驗九州之地所封之域皆有分星所以辨方正位也正安越在荒服未入馮相氏之掌惟班固謂牂牁爲東井輿鬼分野考核最精矣

## 續修正安州志

### 卷之一

天文志

三五

正安州禹貢梁州之域天文井鬼分野按後漢天文志鉞星主東井玉衡第二星主益州當以五亥日爲巴蜀之牂牁郡正安卽古牂牁之境也

袁治舊記

周禮梁在東井輿鬼分野入參三度按度數分野十九分爲一度博雅謂在天一度統地三千九百三十二里

按天文志井八星三十一度位次未行列河中天井正明天下太平

星經曰井宿之上五候橫北河三星西積形井傍  
一鉞四水位水府之上三天罇軍市圈中一野  
鷄丈人子孫各二星四瀆南河中闕邱弧弓九  
星矢一星闕邱之下狼星一孫傍一箇老人星  
參七星十度五十分位次申以嘴作彙七星皆明  
天下兵精  
星經曰七箇參星三伐橫玉井軍井參左臨天厠  
四星下一矢井下直樹二屏星

占驗

續修正安州志

卷之一

星野

三六

按明紀萬歷二十八年庚子狼星入於東井占者  
以爲滅播之象是年楊應龍伏誅分其地

趙志

丹溪彭遵泗蜀碧載明崇禎十三年庚辰冬十月  
參足突入玉井占曰虎狼暴害其時流賊張獻

忠蹂躪兩川盖其驗也

趙志

咸豐四年五月朔辰刻日暈五星皆暈暈各見星  
之本色六圈互串若連環未刻始散十一月桐  
逆來犯圍城十一日敗走

咸豐十一年六月彗北見起自紫微垣外光數十

丈尾指南極旬餘滅占者以爲除舊布新之象  
未幾髮匪平

氣候

正安毗連蜀境氣候和平寒暄不爽雨暘恆調水  
經注謂牂牁夜卽之間山無瘴毒卽此處也

趙志

正安果穀華實較東北早一月正月雷發聲高山  
積雪至三月始化低下之地二十餘年始一見  
冰氣候之不齊如此

朱志

祥異

續修正安州志

卷之一 占驗

三七

國朝乾隆初年州治江二甲鷄公嶺巖下有石長二  
丈五尺寬一丈三尺隆脊黝身形如龜甲風雨  
之際突然移動已離故處數十武旋被迅雷奮  
擊至今斷石尙存

嘉慶六年六月大風雹如鵝卵壞樹木民房無數  
州治小三甲羅乾溪居民黃忠順等七戶田土周  
圍三四里悉依山峽流泉以資灌溉嘉慶十四  
年秋七月朔忽見山動石墜居民卽將器具牛  
羊移居對山遷畢地搖房屋倒塌田土盡翻山

泉凝而爲潭深不可測或有汲取者水波輒興  
人不敢近次年夏雷雨交作其潭猝溢見蟄龍  
上昇隨巨魚數尾山泉仍由故道迄同治十三  
年山復崩

二十四年七月二十五日寅刻地震

道光五年五月初十日見日光垂下五尺是日□  
內大火各場亦大火

十年五月雹大如奉壞橋梁樹木房屋

咸豐四年八月二十三日澣溪溝之對山現一大

續修正安州志

卷之一

祥異

三八

人素衣帽手提刀步且舞近之不見迨梁啟洪  
之亂賊至鳳嶺以雲梯攻城硫烟迷目適東北  
大風賊眾遂潰如有神助甲寅冬十一月十四  
日事

丙辰六年四月旣望西北地震是月江里蓮子壩  
空鳴若雷落物如車輪色似卵黃腥不可近

丁巳七年三月十六日花池坪教匪作亂大雹傷  
賊團練繼之賊眾遂平

同治元年壬戌五月內有黃白蛾飛蔽天日自西

南來環繞州城逾時向東去州境所在皆有之  
但微少耳後分二股結隊連飛一由州境上壩  
去一由州境花池去至小里合隊交彭水界撲  
江死二年冬十一月黃白號入境四路竄擾四  
年正月州城陷  
城南十五里茅家塘河水深濶於日晡後水忽  
成五色映日如錦變幻無常踰兩時許始散散  
後巨魚羣出俱長數尺居民皆見之但不常見  
見則州城災

同治三年夏月州城外二三十里官道上皆紅線  
跡布滿長短不一如匠之引繩四路皆然越次  
年正月遂有朱逆之變

同治十年十月朔至次年二月朔五朔俱大雪皆  
厚積尺餘二三日始化是歲大有真豐年兆也  
同治九年秋小里小溪口地方無故飛火延燒民  
房多方祈禳其災始息十二年癸酉冬災復萌  
較前尤烈嘗現無數小兒在河下搬運拳石條  
然不見隨處平空飛石擊人居民苦之久而知

爲古樹作崇十三年五月伐樹而妖滅

同治十一年小八甲牟家坪有田數畝稻穀一禾  
兩穗或三穗不等

同治十三年小八甲大塘場有竹園冬十一月滿  
圍生筍

德五甲木根溪離城二十里有古杉樹一株大  
合六七抱高十餘丈夏時開花狀似蓮大如笠  
凡花發之年州有喜事

州城南關外龍井合城資食大旱不涸其水出石穴中忽然羣魚涌出井爲之滿大小不等雜青黃色弄之亦甚馴數日始退想自暗河中出也或十餘年一見或二三十年一見見則主兵主火輒有應驗光緒三年十月底復見魚皆青色逾月而州主彭公病故可見多魚之兆亦不盡主豐年也

續修正安州志首卷終

續修正安州志

卷之一

祥異

四十一